

徐孝穆集


二

928

ジ

2





徐孝穆集卷五

陳郟徐陵著

明東海屠隆評

書

與顧記室書

吾伏事天朝，本非舊隸。殿下殊恩，遠垂薦拔。故常戰戰慄慄，甘心痛謹。庶其愚老，無負明據。近者既居臺轄，唯務奉公。去年正月十五日，尚書宮大朝。元凱既集，丞郎肅然。忽有陳慶之見陳暄者，帽簪釘額，條布裹頭，虜袍通踝，胡靴至膝。直來郎座，遍相排抱。或坐

徐孝穆集

卷五

書

或立且歌且詠。吾卽呼舍吏責列，不答而走。反爲憾。恚妄相陷辱。至六月初，遂作盲書，便見誣謗。聖朝明鑒，悉知虛罔。唯云吾取徐樞爲臺郎，南司檢問，了不窮推。承訓幼爲信言，致成隳免。此事冤枉，天下所無。吾市徐樞宅，爲錢四萬，任人市估。文券歷然，不蒙申理。見枉虛巧。二者樞是故少府卿鱗之子，鱗殞身侯景之役，又爲西臺所贈兗州左衛，官位甚高，未知其子何忝郎署。魏晉之前，如爲又遠。宋齊以降，其例甚多。如徐愛阮佃夫之子，可不得郎官耶。紀文卿公向

璉皆爲列棘。豈冗雜曹郎乎。三者樞入身梁朝，解褐岳陽王小府墨曹。承聖時爲故敬常晉安王諷席。文墨具存，陝西官爵。乃多浮濫，更補臺郎。不爲勝擢。未知何急推宅貨官。四者徐領軍節度，自啓樞爲郎，勅付選序。吾既不啓據，又不爲選職，所可相關。止是得中侯相聞爲呈啓而已。以此見罪，一何寃濫。吾昔在承華，是第所悉。行年六十，無復儕儔。非意餘生，忽此誣謗。堯有驚於讒說，孔將惑於拾塵。雖復聖主機明，不能委照。殿下德高兩憲，風美二南。億兆歸心，衣冠

有託。又願通啓披訴聖明。伏見軍戎多務。所以不敢
祈冒。弟與吾遊。眷亟廻星紀。故人如此。寧不矜歎耶。
侍言有便。云何且爲啓聞。一蒙神鑒。照其枉直。方殖
幽泉。無恨灰壤。伏覲謁帝。承明緒言。多次服矜。遺老
曲賜湔濯。則殿下前時妄澤。匪復偏私。遂吳良延薦
之恩。無王丹所舉之謬。吾得方辭武騎。永附梁賓。雖
愧家丞。庶呈秋實。緣弟深眷。故此敬憑。于謁非宜。益
懷悚慨。徐陵白。

梁貞陽侯與王太尉僧辯書

淵明頓首頓首。昔自天狼炳耀。非無戰陣之風。參虎
揚芒。便有干戈之務。至於夏鍾夷羿。周厄犬戎。漢委
珠囊。秦亾寶篋。彰於史籍。可得而聞。未有國家殲危。
遂若當今者也。我大梁膺龍圖而受命。御鳳邸以承
天。軒頊比於諸王。湯武方於兒戲。三光有乂。四海無
波。靈貺咸臻。表裏禔福。非日非月。蒼生仰其照臨。如
雲如雨。天下蒙其恩蔭。而屯亨有數。剝極爲災。梟獍
豺狼。肆逞兇逆。後主誕資上聖。光啓中興。大剪仇讐。
方平宗社。雖復瀟湘舉斧。庸蜀彎弓。凡厥兇徒。誰不

殲撲豈圖天未悔禍喪亂薦臻羌虜無厭乘此多難
虔劉我南國蕩覆我西京奉問驚號肝膽崩潰雖復
金行版蕩火政淪亾綠林青犢之羣黑山白馬之卒
八王故事曾未混淆九州春秋誰云禍亂昔隆周從
播皆憑晉鄭之功強漢阡危終假虛牟之力今者武
皇之子無復一人貌是孤孫還同三叛等子頽而為
暴同劉芳而入關乞命諸戎勢何支久孤宗室之長
爰自布衣皇運之初彌承天德何則據鞍輟哭雖紹
霸圖獨居掩涕終討家怨孤二三昆季方可戴天被

極言方智
之非據纒
自己可占
地步

此恩慈如何酌答所以徐彭之役不希輕軀哀荷之
誠久聞朝聽况復邦家不造至此橫流宗社無依何
所逃責因以提戈負劍臥泣行號言念荆巫志雪讎
恥大齊觀書有洛輯瑞榮河功格蒼昊德滿天地慈
孝之道通於百靈仁信之風覃於萬國是以日月所
照舟車所通候海水以來賓瞻蒼雲以奉貢昔自軒
農炎昊曾無宣國之規虞夏商周非有伐戎之略豈
知華夷仰德遠近同心穀價無堯湯之憂糧儲同水
火之賤精兵利器勢勇雷霆天馬龍媒量比山谷斯

固開闢已來未之有也。至於親隣之道。夙契逾深。無
 改曩懷。尊感彌篤。以為興亡繼絕。事炳前經。推擇庸
 虛。命守宗祀。方欲仰憑神武。清我寇讎。旨喻難違。諸
 懷更慝。明公誕膺時運。光贊本朝。勒瑞姜瓖。書名何
 勳。故以通期管樂。宜契風雲。戮不世之渠兇。殲滔天
 之巨寇。重以三湘放命。七國連從。征旅東西。必翦妖
 逆。雖復棧道木閣。田單之奉舊齊。縮墜將兵。周勃之
 扶隆漢。中宗佐命。俱畫丹青。光武功。臣皆懸星象。非
 豈非虎之封。同心同德之勞。校彼功庸。曾何髣髴。但

與在與亡。期於體國。喪君有君。寧容無主。夙承所立。
 猶則孱蒙。天步方難。寧可弘濟。自淹留大國。志荷恩
 私。朝夕宮闈。預奉顏色。黃河白日。亟直誠言。分災卹
 患。事非虛旨。但善相小國。終資大賢。定我邦家。繫公
 是賴。淮流不竭。豈獨琅琊。望能喻此。衷懷。思之無忽。
 近陸君士有啓。陳其禍亂。朝旨卽命河東王岳等。勒
 率熊羆。便相抵赴。道阻且長。雖無之及。所聞西浮夏
 首。便當險隘之衝。南捍巴陵。方拒窺窬之寇。上黨王
 皇齊寵弟。是號宗英。親御戎軒。遠于將送。裴侍中英

起淮南貴族兼事戎行躍冀馬者千羣披燕犀者萬
 隊來自河陽曾不旬日持節徐武潼三州諸軍事散
 騎常侍明遠將軍東徐州刺史始興縣開國侯湛海
 珍等並前朝舊將夙著勳庸推轂海邊屬是喪亂雖
 復拔身有道志寧朝怨成預戎行共指鄉國江淮舊
 諫悉已招攜方稟英謀共剪讎難去月將晦便屆壽
 春已具舟師將臨江浦使人入境行陳所懷揆日規
 光遲枉還贖當使宗祊有主余同小白之勲家國無
 虞公保阿衡之貴何其美也豈不休哉言念此私但

局函 收得一篇

以號咽蕭淵明頓首

為王大尉僧辯答貞陽侯書

孤子僧辯頓首頓首。席威卿反命。具有奉答。馬嵩仁
 明為梁嗣。遺陵隨還。僧辯不納。淵明往復。致書皆陵。

至又奉去月二十八日誨。增用傾棟。秦為不道。西都
 失守。率上臣妾。莫不驚惶。喪君有君。實惟典禮。繼世

嗣曆。明於通誥。所以百辟羣司。四方岳牧。共立大計。
 詞今僧辨 答書恐非 陵作後同

會議所歸。故紹晉安殿下。用傳寶祚。樹立之宜。無由
 遠謀鄰國。足下宗枝蕃戚。德譽早隆。既身限非庭。事

隔。佳贊。今者借助齊主。楊旆南轅。但嗣守洪基。即既
 既不說壞 舊君又不 逆其來意

暗裏藏閣
詞命上品

其主若阿衡帝載誠所推揖弘佐中興誰日不可所
 望齊朝永存信誓謹當命北舟人奉迎麾駕無容進
 枉齊兵遠於江表仰冀弼諧時政用極奮庸但江東
 之地數千餘里民附國險水陸衿帶若舊京從命楊
 徐承旨又恐西南之地二十餘州不即威懷容為齊
 國之患而糧裹之宜更遲動靜祇展之日冀在一二
 謹因馬嵩仁并遣真威將軍通直郎散騎常侍馬瑱
 口宣諮述孤子王僧辯頓首頓首

勅其遲疑
便是不止
之止

梁貞陽侯答王太尉書

妾常侍曷至復枉去月三十日告具公所懷良以慨
 息孤雖庸薄不及通賢猶曰生民寧無心識自皇家
 禍亂亟積寒暄九州萬國之人蟠木流沙之地莫不
 行號卧泣想望休平何況於孤預在宗室家荷報雪
 之恩身蒙鞠養之愛者先皇之慈也烝嘗不絕於私
 廟子弟得嗣於南藩者後主之惠也朱方之地建業
 之都誰家丘陵誰家宮廟豈有為人臣子荷此恩靈
 親執干戈自殉家國公之忠孝信感人神公之盟誓
 事同懸象雖復宗盟不造骨肉為讎安可相期盡如

蕭譽耶古者天子六軍是為萬乘今日凶荒致闕斯
 禮偏裨將校尚握精兵州郡官曹各有交吏未有居
 稱炭座行日乘輿遂無五尺之童高謝千人之長於
 公明允意復云何國家彫荒既乏屯衛皇齊與睦幸
 惠優矜何乃自起趨趨苟違隣德克勸禍亂欲立功
 名威自軍師豈在芻隸湛海珍等前朝舊將差匪齊
 人分給羸兵即是梁甲非云背信豈曰渝盟朝野群
 雄何所携貳且公天資命世再造皇家梁代之桓文
 蕭宗之伊管誰其遠近不稟英謨如有教回正速齊

二十餘州
 之眾猶服
 背之羸破
 得明斬

斧尚何憂於共工何畏於有苗哉所覽來書既為疑
 難上黨王恭承朝旨不敢相同方篤隣和不容全異
 如須減損更遲行人張廷尉種等所具此無多及蕭
 淵明頓首

答諸求官人書

自古有吏部尚書者品藻人倫簡其才能尋其門曹
 逐其少多量其官爵但古來數千年非無明時也非
 無明主也自有才用雖美階級不通門戶雖高官資
 殊屈若斯人者其例甚多請問諸君此是何義夫一

千錢一斛米之多少。猶關相楛。况復皇朝官爵。理係
玄天。內典謂之爲業。外書稱之爲命。五行有驛馬之
言。六甲有官鬼之說。必令驛馬時發。官鬼尅身。所望
借榮。便當果遂。如其不爾。決是難諧。豈可改尚書作
官鬼。驅老僕爲驛馬。耶。若見問尚書。何不分判用與
不用。許與不許。僕答云。君非屈滯。豈可相期。決言應
果。若今驛馬差爽。便是乖信。此關君命。僕何以相答
耶。若朝散之流。行止之屬。門戶相似。人才不殊。選家
斟酌。無能爲爾。若陟大位。清官悉由玄命。夫人君賔

滑稽妙甚

用。竝是前緣。故宋文帝云。人豈無運命。每有好官。缺
輒憶羊玄保。梁武帝云。世間人言有目色。我特不目
色。范攄自此而論。豈非前業。且世諺云。圖官在亂。世
覓富在荒年。梁孝元帝承侯景之凶荒。王太尉接荆
州之禍敗。爾時喪亂。無復典章。故使官方窮。此紛雜
自紹泰太平。及永定中。聖朝草創。爾時州州自帝。郡
郡稱王。天下干戈。尚無條序。兼以府庫空虛。賞賜懸
乏。白銀之寶。難得。黃紙之板。易營。假以官榮。代於錢
絹。義在撫綏。無計多少。又有非舊非勲。非地非才。託

警承風吹
響動祥雲

節將而求官。因時人以買位。賣官既賤。皆為清顯。故
 員外常侍。路上比肩。諮議參軍。市中無數。四軍五校。
 車載斗量。豈是朝章。應其如此。今衣冠禮樂。日富年
 華。主上體成王之風。太傅弘周公之德。西戎北狄。畏
 我王威。時既清矣。時既平矣。何可猶作亂世意。而覺
 非分之官耶。凡人所以稱屈滯者。身已不無寸能。官
 又不及父祖。既是明時。可以於邑。所見諸君。多踰本
 分。猶言太屈。未喻高懷。若問梁朝。朱領軍等。並為卿
 相。此不踰其本分耶。此天子所用。非關遷序。舊章。秦

唐天后中
 補闕詩何
 如此逸勁
 然亦自此
 化出

惟踰分者
 乃言太屈
 于古一轍

有卑府令。趙高直為丞。相漢有高廟。令田千秋亦為
 丞相。此復可為例耶。僕七十之歲。朝思夕計。並願與
 諸賢為真善知識。曾無嫌隙。差可周旋。非欲令君作
 此怨訴。但忝衡流。應須粉墨。庶其允當。無負朝寄耳。
 去年疾患。亦餘氣息。不能相答。通作此書。所望諸賢
 深明鄙意。徐君白。
 代梁貞陽侯與荀昂兄弟書
 張佛奴至。未枉還告。但以勞悞。夫興亡繼絕。往帝之
 通規。分災卹患。聖王之恒典。自敦龐既散。詐偽萌生。

時託親隣信有澆惡大齊道冠三皇風高九代仁信
 之本關於至誠言與之恩由於孝德孤謬蒙殊獎還
 嗣本朝勅諭分明言誓殊重若使邦家克定境內無
 虞凡廣陵歷陽皆許見還白水黃河屢奉然諾彝章
 禮數莫不優華斯乃不世之殊恩寧是悠常之恒事
 王太尉勲踰呂望德冠伊衡凡厥英謀弄靡遺策登
 容當滔天之巨寇達大國之隆恩計彼賢明必當不
 爾卿維兄及弟莫非雄才江外風塵不染兇寇賈氏
 三虎豈獨貴於前修荀家八龍信服在於今日近者

州司不道或致流言朝聽矜明已如前及想謀元宰
 善保良圖南道主人以相付也見所答東海徐湛書
 粗且來意昔桓憑苦衆文用秦政是假隣國之威以
 備非常之變若使江東宰匠具領齊恩時命封疆遠
 相迎接故常攜諸舊隸率我賓遊朝服簪纓立拜園
 寢梁人望國自合水而浮舟齊師言歸指滄江而迴
 旆如其彼相未悟良機將恐戎麾遂踐京邑若其求
 成取敗豈謂和風龍馬雲旗差不相涉一二復令張
 佛奴口具相見在近此不多及蕭淵明疏

漢職四節
 光彩生動

答周主論和親書

使人使持節車騎大將軍儀同三司大都督治司城
 使主杜子暉忠軍山遂伯使副鮑宏等至省告具懷
 夫聖君明辟司御兆民則天象地佇育黔首故張旌
 以往拭玉而來同在蒼生恢宏文武雖毀戈鑄戟未
 擬上皇散馬休牛載懷偃伯非期與睦忽爽和風奚
 用殲師信由天討追尋曩好歎想兼懷言覲今書甫
 承家難知以冢卿執政擅同淵藪令尹當朝妄專征
 伐無君之謫俾墜其師無將之誅已從司寇刑名既

瑰麗典則
官樣文章

肅國步還康希篤親隣敬開表款若二境交歡俱饗
 多福八荒期乂良副所懷今遣具位某甲等使不復
 多述陳某頓首

徐孝穆集卷五終

徐孝穆集卷六

陳鄒徐陵著

明東海屠隆評

書

梁貞陽侯重與王太尉書

淵明頓首頓首。席威卿等還。枉此月十四日告。披覽未周。良深慨息。昔長平建策。猶聞蝕鼎之徵。疎勒效忠。時致飛泉之感。豈在余涼德。書不盡言。遂使吾賢。猶迷所執。斯故銜哀掩淚。仍復披陳者也。孤以庸薄。寧有霸圖。侯服于周。常懼盈滿。豈望身居黃屋。手御

邀大國之
寵靈以晉
文自處

青綸揖讓而對三靈。端委而朝百辟。詢諸圉牧。莫不
皆知。援誓神明。固自無爽。但大齊仁聖之道。關於至
誠。睦隣之懷。由於孝德。遂蒙殊獎。歸嗣本朝。拜首陳
辭。敦誘彌廣。既而仇讐未殄。方憑大國之威。宗祏貼
危。尤仰親仁之德。僂俛恩寄。號覲惟深。而勅諭分明。
信誓殊重。乃云邦家有乂。社稷無虞。凡廣陵歷陽。皆
許見還。白水黃河。屢奉然諾。至於夏藩衝要。控遏上
流。且命強兵。為我臨據。若其自有精甲。能捍醜徒。並
用還梁。皆如前旨。以孤頻經。黍竊屢守。淮肥門生。故

警嚴軍日
氣象偉雄

更。遍於江右。凡諸部曲。並使招携。投赴戎行。前後雲
集。霜戈雪戟。無非武庫之兵。龍甲犀渠。皆是雲臺之
仗。文物以紀之。聲名以發之。斯實不世之隆恩。寧曰
循常之恒禮。明公固天所授。弘濟本朝。曲阜同功。營
丘等烈。若夫伊尹庖厨賤宰。霍光階闥小臣。諸葛亮
無應變之才。管夷吾非王者之相。論其世業。較彼勤
勞。書契已來。罕有明德。且程嬰之義。自古為難。苟息
之忠。良以喜慰。但先朝秉玉鏡之符。御金輪之寶。普
薩之化。行於十方。仁壽之功。沾於萬國。兇人候景。遂

矜。邦。家。何。况。於。今。亦。有。吳。會。江。東。如。掌。差。匪。虛。言。淮。
陽。在。面。方。此。非。局。不。稼。不。穡。多。歷。歲。時。大。東。小。東。全。
無。機。杼。關。中。醜。虜。寧。非。冒。頓。之。鋒。齊。國。彊。兵。便。是。軒。
轅。之。陣。西。南。當。扼。喉。之。勢。東。北。承。撫。背。之。機。首。尾。交。
侵。華。夷。俱。騁。而。冲。人。數。歲。復。于。方。除。德。未。感。於。黎。蒸。
威。不。加。於。將。帥。斯。等。快。快。非。少。王。臣。安。有。碌。碌。因。人。
成。事。公。之。才。具。雖。復。明。允。勢。何。如。於。天。監。時。何。若。於。
大。同。棄。與。國。之。隆。恩。當。滔。天。之。猛。寇。匡。救。之。德。翻。未。
有。從。忠。許。之。謀。誰。其。相。曉。臥。薪。待。火。方。此。弗。危。繫。草。

警歎為鴻
鐘響胸中
許干卷書

從風儔之非切若能思其上策審此英圖見引幹獵

之車還向長安之邸一則二則惟在大賢外相內相

終當相屈正當携諸舊謀率我賓遊朝服簪纓血拜

園寢梁人望國俱登赤馬之舟齊師臨江仍轉蒼鷹

之旆分袖南浦揚鞭北風民不疲勞軍無怨謫如其

執事尚秉前言將恐戎麾便濟江表何則西澤夏首

已據咽喉東進彭波次指心腹廣陵京口烽烟相望

魯柝聞邠方之尚遠胡桑對薊此此為遙水陸爭前

龍虎交至則揚都蕩定功自齊師江左臣民非開梁

方智雖幼
承梁正統
淵明雖長
特公子雍
之流耳詞
屬強辨而
筆藻動人

國豈不追慙後主崇寄之恩還負齊朝親隣之意東
門黃犬固以長悲南陽白衣何可復得立茲幼弱非
曰大勲滅我宗祊何所逃豐今復遣前吉州刺史馬
嵩仁至彼更具往懷想不遠而復無貽抵悔也若英
謨有在方典祀夏之功明監如違便等過殷之嘆存
亾社稷一在於公臨紙崩號不復多及蕭淵明頓首
頓首

王太尉僧辯荅貞陽侯書

僧辯頓首頓首白席威卿至奉今月五日誨披函伸

破貞陽年
幼之說詞
極瑣碎

紙號恥交哀天未悔禍地維重絕九縣沸騰四海悲
憤嗣主欽明濟哲齊聖廣淵體自宸極受命文祖主
梁祀者非此而誰且年倍漢昭具明上官之詐德踰
姬誦彌昭周旦之誠今海內衣冠中朝卿士或南陽
舊隸官成天監之初代邸故臣榮光承聖之始莫不
人竭其力爭求効命輸心嗣主以報先帝之恩今荆
陝淪覆止是江北數縣即東南藩翰萬里而遙至甲
治兵艦舳相接長波天限方漢城池修德綏民中興
可待孤子本以庸懦加復窮喘且平生素蓄志不在

引義嚴正
足令貞陽
心折

位世蒙朝寵，身實許國。武皇擢之千里，先主申其三
顧，因此踰濫，遂居端右。屬天步艱難，寄深憂積，方欲
詢于髦傑，採之輿阜。同康時務，共贊皇猷。一彼車書，
刷茲讐恥。然後守其侯服，歸老赤松。至如今日，使須
白事，披奉來誨，承彼送還。今璇枝令戚，播越秦虜。明
公儻能入朝，同獎王室。伊呂之任，僉曰仰歸。寧不副
茲仄席，濟扶匡救。若斯言不渝，更聽後旨。便遣鷁舟，
弘舸奉迎。麾旆但闕來朝，意在主盟。今江東所奉，彼
屬披圖，未蒙朝意。鄭拒子忽，左史是之。漢背劉襄，班

書稱允。况屬疎於階爾，不敢奉命。謀期通議，賜亮此
誠。孤子王僧辯頓首頓首。

梁貞陽侯與陳司空書

轟雷驚雷
未足擬其
雄壯

淵明頓首頓首。軒轅既作，遇蚩尤之兵。額頊為君，阻
共工之亂。雖復搖山蕩谷，驅電乘雷。殘厥兇渠，曾靡
遺孽。未有時當至治，世在欽明。元惡滔天，遂陷邦家。
者也。我大梁開金繩之寶牒，紐玉鏡之珍符。功烈與
造化相伴，德施與風雲俱遠。戴日戴斗，何向不賓。太
平之基，無思無屆。逆賊侯景，殲亂本朝。蒙重聰彌，凶

書本王子
朝化出但
彼典而實
此豔而誇

逾羿浞。後主天經地緯。義冠人靈。驅馭熊羆。遂剪劓
盜。少康祀夏。何可對揚。大戊與殷。彌無等級。不圖天
未悔禍。喪亂荐臻。羌賊憑陵。侵蕩荆漢。乘輿幽辱。既
陷兇徒。黎獻崩騰。莫不淪沒。故以哀窮兆庶。痛極蒼
旻者也。夫諸侯釋位。寧非亂禍之朝。宗子維城。本濟
殷憂之日。武皇遺胄。皆陷虜庭。乞命偷生。何能支久。
孤宗室之長。爰自布衣。辛癸之朝。容身靡託。追惟先
業。大庇生民。既雪伯叔之怨。仍紹桓王之霸。孤二三
昆季。情禮獲申。等預蕃枝。偏承皇德。近歲彭都之役。

得備戎行。鞍甲之勞。庶酬天寵。况復邦家不造。至此
橫流。凶狡猶存。何所逃責。固以提戈負劔。泣行號
言。念荆巫志。雪讐恥。大齊德竝天地。明符日月。隆禮
詔俗。張樂被民。義感華夷。仁侔造化。玉牟銀甕。嘉瑞
必彰。澤馬山車。禎符總集。若夫中朝猛士。本自無窮。
沙塞精兵。斯何有量。是以家國之富。文景所未儔。兵
馬之強。秦漢所未敵。但親隣之道。既篤。風私明發之
懷。彌敦。先好。以爲典。亾繼絕。聖典通規。爰命無庸。嗣
守社稷。既方憑大國。庶討仇讐。恩喻難違。諸懷慙哽。

公體茲懋德毗奉中興歸自番禺志在討亂至於雲
行電邁谷靜山空扼鵝尾而定王畿登牛頭而掃天
闕漸臺僞帥將傳首於帝京郿塢元兇皆橫屍於軍
市高庸茂烈振古希儔承此欣然深所嘉歎今者殷
憂未已禍難相尋宗社無依與主空立夙承所眷尚
在冲年王室猶難何以康濟董侯勿弱終覆漢朝馬
業童蒙仍傾晉室所謂前事之不怠後事之龜兆也
孤過荷恩靈預奉帷幄黃河白日亟降誠言分災卹
患事非虛旨但當小國之禮無失敬恭闔境人民俱

星斗呈祥
金陵表慶
文亦雅稱

勞瘁寐方窮人爵之重以報非常之功惠覽今暫希
能留意也上黨王文高劉德武冠曹彰爰降宗英遂
于將送裴侍中英起憤奉師德俱事戎間月壘連營
雲旗救野同集江淮翼我歸旆湛海珍等並前朝舊
將風著勲庸江左氛妖披身齊國今者皆蒙恩獎並
在戎行歸附明公共剪讐難去月將晦便屆壽春已
具舟楫將臨巢浦若公爲內王方同國子之勲余以

屬詞比事
無弗切當

鄉關唯增號哭蕭淵明頓首頓首

代陳司空荅書

某頓首頓首使人孔文端至奉此月四日誨兼翰累
牘俯加循覽以悲以慰先皇聖德在躬體道康哲允
恭克讓就日望雲玄雀銜書皇天眷命光宅區宇司
牧黎元澤與風行恩隨雨散朔南暨教要荒貢篚而
運鍾百六時屬陵夷賊臣侯景內曩中國掘剪公室
鞭撻寓縣三光掩曜四海分崩嗣后大孝發衷志清
國豐載齊車以誓衆墨衰裳而鞠旅遙授兵略沿流
電邁不崇朝而戮封豕纔信宿而剪奔鯨雖天未絕

梁伊帝之力方欲克復梁雍吞滅嶠函卽都渚宮將
議進取而穹昊不惠頻降愍凶秦氏虎狼肆其虐暴
主上幽辱變輿播遷悲結萬姓痛深九服社稷須土
天下難曠晉安殿下地惟密戚親實愛子弱表徇齊
幼而岐嶷群公卿士岳牧藩鎮莫不頓首屈膝請嗣
宗祧王太尉秉德居宗實爲元輔僕以不敏預叅末
將今朝野寧晏方鎮協和戮力華夷同獎王室庶竭
股肱蕩刷讐鼎殿下夙標令譽早播明德親則章典
地惟蔣邢昔因多故託身大國今蒙發勅已次壽春

載披來旨實深傾注。但帝子承制。非爲乏主家宰匡
翊。寧侯長君。雖則未學。頗聞前載成王踐祚。曾未壯
年。昭帝君臨。實惟童孺。若以家國多故。思濟艱難。仰
惟尊戚。莫不屬望。分陝之寄。側聽高旨。如使不繼。親
地便議。崇極上相。居中自當奉報。昔仲子舍孫檀弓。
有作趙求外主。穆嬴以啼前事。不忘可爲故實。蕃維
未鎮。敢用多陳。遠降誨函。唯深哽佩。陳某頓首頓首。
梁貞陽侯重與裴之橫書

張佛奴昨還得去月二十九日書覽以增慨昔趙公

一字務易
不動

始反骨仲親射其車。重耳初還。呂卻終焚其室。項家

國多患。頻遽閔凶。前事不忘。便爲龜兆。所以皇齊大

德。禮秩無常。威武紛紜。洪恩汪濊。况復旌旗。照日披

吹。從風文物。俱奉羽衛。相鬱書契。已來斯未有也。卿

天監之始。門官有成。承聖之初。身名俱泰。正應勤王

効命。訓二后之恩。憂國如家。報三靈之寵。何有方規

異志。苟樹童蒙。阻地險於長川。忘天討之應。及孤昔

忝蕃維。非無遊士平原之館。乃至如錐田女之家。差

有彈鋏。雖復李廣麾下。莫不封侯。衛青故人。多懷彼

此豈可文辭簡畧。禮等平交。披封伸紙。益多歎異。相
鼠無儀。表詩人之作。茅鴟刺傲。彰魯史之文。宿昔相
期。不應如此。衆軍卽便頓江關。相見在近。不復多及。
蕭淵明頓首頓首。

裴之橫答書

之橫白足下。定國等至。枉雅誨。具高氏致送之旨。卽
彼行人遠到。京城大慰。應有成命。但江山叟阻。未奉
朝廷報辭。第下國之麟趾。先朝所寄。籍彼隣好。義深
主祀。自宜單車入境。端委還朝。而朱旆啓行。戎旌望

國。江東士子。未達高懷。僕早預簪裾。夙叨眷與。茲矢
旣睽。江淮成阻。青黎裁封。雖斷西鳥之辭。白雪在天。
豈無北風之歎。但變故紛紛。忠貞宜顯。寒松負雪。誠
愧節者之徒。勁草疾風。寧忘烈士之槩。齊師若反。旆
淮路。退舍肥水。彼之敬送。止縉紳之徒。此之奉迎。則
軒蓋而已。伏聽朝旨。遲申展敬。之橫白。

貞陽侯答王太尉書

周尚書弘正。張廷尉種。姜常侍嵩等至。在此月二十
六日告。并遣賢弟子世珍。賢子顥等。具忠款之至。公

養孤之恩愛甚。鄧侯少子之懷情深。張禹豈非憂勞社稷。用忍飢膚。天下含靈。誰無悲愧。余遭家不造。敬累吳賢。言念忠誠。益以號咷。但皇齊大德。過見憂矜。微借輕兵。以垂將送。意謂江東凋弊。累積寒暄。供膳資儲。理當多闕。輒白上黨王。止請三千人。二百疋而已。凱衆人殊。尚有疑難。將恐諸士。未喻雅懷。今復命周尚書及姜常侍。還彼具陳。一二夫以受為寇。非有晉邦不送。為譏終無。楚國五千步卒。既謝李陵。三千羸兵亦等無忌。公之明義。理不為嫌。行人失辭。尚停

貫穿往古
雲際風馳

然諾臨江總轡。企望音郵。唯遲來書。此不多具。蕭某白。

為陳高祖與周宰相書

昔有天地。便立帝王。革昊唯農。遷虞斯夏。莫不三靈所佑。五運相推。梁德不造。固天攸棄。雖復東漢之末。區宇沸騰。西晉之凶。生民蕩覆。未足以方其禍亂。譬彼虔劉者也。吾謬以庸薄。屬當興運。自昔登庸。清諸百越。徐聞浪泊。靡不征行。銀洞珠宮。所在清乂。自還麾南極。伐逆東都。宣力驅馳。亟淹寒暑。六延梁社。十

剪强寇。黃帝與蚩尤七十戰。魏祖在軍中三十年。方
厥劬勞。未若勤苦。加以百神所感。明靈應期。萬里徂
征。虬龍表瑞。於是中軍勇銳。上將橫行。承此休符。遂
興王業。梁氏以天祿斯改。期運永終。欽若唐風。推其
禹命。吾驚惶三讓。拜手陳辭。盈庭公卿。稽顙敦偏。眷
言。潁水。徒抱素心。尚想汾陽。無因高蹈。猥以庸薄。遂
膺天寵。去月乙亥。昇禮太壇。言念遷徊。但有慚愧。昔
賓門之始。境外無交。雖遣行人。未申嘉好。今上天有
命。光膺寶曆。永興周室。方同斷金。我運惟新。宜修朝

聘。今遣侍中都官尚書周弘正。街使長安。故指有白。

陳某白。

武皇帝作相時與北齊廣陵城主書

藉甚英風。常懷眷屬。封疆有限。寤寐增勞。辱此月九
日告。深慰情佇。方秋尚熱。體中何如。戎帳艱辛。無乃
為弊。吾以庸薄。謬膺台鉉。既荷先帝拔擢之恩。兼蒙
今主責成之寄。政以皇齊大德。世紹和風。方藉威靈。
庶平讐恥。提携小國。願預藩臣。還詔哀矜。許垂容納。
奉勅須質。便遣入朝。部下諸將。哀告誠節。一兒一弟。

敘事盡情
辯言中理
隨激兩化
文質互宣
國僑有詞
似難專美
於前矣

無所遺悵。立志立義。無負上天。但故丞相諸子及湛海珍等。並依勅旨。馳遣渡江。主上又遣吏部尚書王通。鴻臚卿謝岐等。至和州。與司馬行臺。共爲盟誓。而蕭軌等。決信叛。苟相陵易。鬱從東道。馳至北郊。旣逼宮闈。無容靜默。兩兩相對。俱有損傷。彼聞人馬。因此奔散。且置兵之地。溝澗且多。退兵之時。投赴相積。近遣張都來此。具是行人所見。但廣陵建業。纔隔一江。戰場去岸。不盈五里。軍人退散。理反鄉家。緣岸村人。復有舟楫。且蘆薈。荻篲。竟浦浮江。千百爲羣。前後

相繼。吾又勒兵案甲。不聽討捕。若無恐懼。並應安遠。假使在此。不可更生。至彼而殂。差非吾過。如其枉理。必是興軍。見伐於有道之人。加兵於無罪之國。若彼王師如此。又是違盟。后土皇天。山川社稷。察其怨語。寧容相祐。辱告承上黨殿下。及匹屢領軍。應來江右。師出無名。此是和義。小之事大。差無違禮。彼之陵我。自是乖言。玄天所伐。匹馬無違。翻見怨尤。一何非理。若彼鬼神。有知寧可斯背。鬼神無知。何用盟歎。去歲押達磨等。石頭天井。連月亢陽。三子纔降。連冬大雪。

是至理

黃袍盡沒白帳皆浮既因以之泥塗兼加之以疾疫
 蕭裴既還雲霧便除從爾以來稍成災旱定知衣冠
 之國禮樂相承天道不言不容都滅長江渺渺巨浪
 湯湯如鬪艦舟師詐有深利近梁山之戰卽是前車
 蕪湖之役可爲明鏡昔晉侯不能乘鄭馬趙將不能
 用楚兵一非水土難爲騁力楊州卑濕厥土塗泥如
 遇秋霖杳同江漢假令蚩尤重出白起還生控代馬
 而陵波躡胡靴而湍水終難逞効詎有成功六州勇
 士雖有百萬十姓豪傑徒勞千億不能爲患斷可知

是實事

筆墨吐氣

矣昔我平世天下乂安人不識於干戈時無聞於桴
 鼓故得兒人侯景濟我橫江天步中危實由忘戰自
 亂離已久人解用兵女子無愧於韓彭童兒不殊於
 衛霍吳鉤甚利蜀甲殊輕槩動風霜弩穿金石高樓
 大艦槩日陵雲叱咤而起風雷吹噓如倒山嶽侯車
 騎國家重將分陝上流近隔以邊塵時虧表疏王途
 既泰貢賦相望尋令子弟侍奉京邑蕭太保龍驤於
 賁海王儀同虎視於洞庭若望高峰便當投袂何則
 凡諸將帥各護家鄉非直吾人獨憂宗社日者頻辱

張大登樓
音節愈死

司馬行臺及諸公有告。裴行臺當今方召。此諸賢莫
非英傑。其餘軍士。悉是驍雄。庸蜀氏羌之兵。烏丸百
虜之騎。以此衆戰。誰能禦之。何爲比吾陪薄。相懸何
惡。諸君身名俱滅。來告以細柳之軍。踰於灞上。吾恐
今之趙括。不及廉頗也。近張舍人至。始奉嚴勅。朝廷
遣劉叔經。仍往啓聞。願達冊誠。用停王赫。伏計天慈。
理當懸照。此身日月所鑒。天地所明。豈敢虛言。欺望
宸極。足下旣未知始末。容有疑惟。大軍多士。希惠矜
弘。量非此失。時騰表疏。幸停師旅。已存盟信。庶其小

國永申藩禮。天心無爽。遐遐一同。投筆慷慨。不復多
白。陳諱頓首。

徐孝穆集卷六終

徐孝穆集卷七

陳郊徐陵著

明東海屠隆評

書

答周處士書

仰披華翰甚慰翹結承歸來天目得肆閑居差有弄
 玉之俱仙非無孟光之同隱優游俯仰極素女之經
 文升降盈虛盡軒皇之圖藝雖復考槃在阿不為獨
 宿詎勞金液唯飲玉泉比夫煑石紛紜終年不爛燒
 丹辛苦至老方成及其得道冥真何勞逸之相懸也

本之樂志

又承有方生亦在天目理當仰稟明師總斯秘要豈如張陵弟子自墜高巖孫泰門人競投滄海何其樂乎聖朝虛心版築尚想丘園若彼能赴嘉招便當謹申高命但其人往歲亦望至京師觀此風神確乎難拔故以忘懷爵祿詎持犧牲之談高視公卿獨騁蟠蛭之訓所恐有道三辟公車十徵若斯者終當不屈此既然矣請復詳言昔楚國兩龔同時紆組漢陰二老相攜抱甕兄之幽貞若其鑿坏負石方同形影結綬彈冠無容越楚況乎糞土夔龍羶臊名器已行所

詞旨婉暢

不欲非應及人忽承來音良以多感何則穎陽巢父不曾令薦許由商洛園公未聞求徵綺季斯所未喻高懷而躊躇於矛楯也唯遲山阿近信更惠芳音如或誠言謹便聞奏第夙勞比劇不復多呈

答族人梁東海太守長孺書

恩報近歲奉使來歸辱彼河清年中告行并惠以明鏡亟離寒暑雖復時陳梁崔日照孫鸞言慰相思反增離眷劉傅三常侍還又承書札銀鈎甚麗玉疏依然開封伸紙破愁為笑素秋方屆溽暑稍闕體中何

如善保元吉。萊臺之璧。少海之珠。何必鄉里。所在爲貴。卿託身大國。旣已積年。彼朝英彥。理相欽挹。方當交辟三命。清官兩宮。何乃濶然。遲有問也。吾七十之歲。崦嵫已迫。朽老之疾。隨年而甚。徒懷北邙之切。未遂東都之期。牽役承閒。但有哀頓。自歸來鄉國。亟徙炎涼。牽課疲朽。不無弊製。而應物隨時。未曾編錄。旣承今告。輒復搜檢。行人相繼。別簡知音。但旣乏新聲。全同古樂。正恐多慙於協律。致睡於文侯耳。燕南趙北。地角天涯。言接末由。但以潛歎善敬德中郎。竝比

自譽甚

境之良選。皇華之上求。若可輔軒。別當委白。

與李那書

籍甚清徽。常懷虛眷。山川緬邈。河渭像於經星。願望風流。長安遠於期日。青要戒節。白露爲霜。君子惟宜。福履多愈。雍容廊廟。獻納便繁。留使催書。駐馬成檄。車騎將軍。賓客盈座。丞相長史。瞻對有勞。脫惠箋繒。慰其翹想。吾栖遲茂陵之下。臥病漳水之濱。迫以奄茲難爲。疋藥平生壯意。竊愛篇章。忽覲高文。載懷勞佇。此後殷儀同至。止王人授館。用阻班荆。常在公筵。

作書與文
士便雖緩
不已

財成六律
彰施五色
使言之而
中倫歌之
而成聲緣
情綺靡可
謂悉備

敬析名作鏗鏘竝奏能驚趙鞅之魂輝煥相華時瞬
安豐之眼山澤晻靄松竹參差若見三巘之峰依然
四皓之廟甘泉鹵簿盡在清文扶風輦路悉陳華簡
昔魏武虛帳韓王故臺自古文人皆爲詞賦未有登
茲舊閣歎茲幽宮標句清新發言哀斷豈止悲聞帝
瑟泣望羊碑一詠歌梁之言便掩盈懷之淚至如披
文相質意致縱橫才壯風雲義深淵海方今二乘斯
悟同免化城六道知歸皆踰火宅宜陽之作特會幽
衿所覩黃絹之詞彌懷白雲之頌但恨除遠擅特高

有味乎其
言之

峰開士羅浮康公懸涵不獲銘茲雅頌耀彼幽巖循
環省覽用忘飢渴握之不置恒如趙璧翫之不足同
於玉枕京師長者好事才人爭造蓬門請觀高製軒
車滿路如看太學之碑街巷相填無異華陰之市但
豐城兩劔尚不俱來韓子雙環必希皆見莫以好龍
無別木鴈可唾載望瓊瑤因之行李金風已勁玉質
宜調書不盡言但聞爰繫

報尹義尚書

別離二國雲雨十年目懸河陽追銅爵而無遠神遊

漳水與金鳳而俱飛。且使還辱去冬十月十一日告

忽同言敘循環巧製。欣慰良深。河朔年芳。雖當淹晚。

白溝。浼浼春流。已清紫陌。依依長楊。稍合體中。何如。

豈無鄉思。第三秦世。曾六輔良家。文武兼能。志懷開

遠。谷永之筆。無慙古人。蓋延之功。高視前彥。而淹留

趙魏。亟歷寒暄。企望鄉關。理多悲切。聖朝欽明。慕曆

大拯生民。戮巨海之奔鯨。殲中原之封豕。晉君之設

長安。遠於日邊。揚雄有言。交州在於天際。則輸驛王

府。屈滕閩門。川洞酋豪。強梁濱海。神兵一指。率土咸

具文武全材而匿景
戴光托身
異域良可
悵帳

康方當偃伯於靈臺。韜戈于武庫。變大風於五禮。驅

蒸民於昌辰。物色英聲。搜揚俊傑。投竿負鼎。馳步蒼

龍巖。穴丘園。爭趨金馬。而雷連河北。義等周南。懷此

殊才。實可傷嗟。吾掩嗷。既暮容鬢。皓然風氣。彌留砭

藥。無補。追惟疇昔。共備行人。室家安危。賓禮升降。懸

壺代哭。俱歷春冬。移館于箕。同茲辛苦。鳴蜩抱樹。亟

見。賦水歸鴈。銜蘆多經。寒食靖言。念此如何。可忘握

甌。來書。彌其承臉。夫以擁腫之木。得免因於不才。敬

練之牛。自保由其無用。以余鄙陋。未友龔生。惟歎吾

獲郁非整
骨體不凡

賢不同。遽瑗耳。若推溝拯溺。每切皇衷。逸翮飄鱗。見
優機檻。所以降咫尺之書。馳轡軒之使。心期與國。必
遂還途。寧謂親隣。更成難請。言尋雅告。所及縲囚。便
訪鴻臚。幸無淹使。聞諸司寇。或有邊俘。前歲中流。是
維同惡。燕禽望闕。冀馬臨江。裁頓雲羅。自投天網。京
觀之塚。宜彰武功。周醜之門。方申明罰。而聖朝好生。
惡殺。收雷寢電。兵車所獲。雖同長萬之來。恩澤從容。
無異荀瑩之禮。方之於弟。况擬非倫。伊昔梁朝。共奉
嘉聘。張茲大帛。處彼高閣。庭奏歌鐘。座延僑盼。賓客

不假牽緣
天然巧合

之敘。方於昨階。田獵之禽。同於君膳。正以鄉關阻亂。
致爾拘留。家國隆平。義應旋反。况復韓宣。屢至宰孔。
頻還。翻爾遲迴。豈云隣睦。弟遂鍾儀之操。對此皇華。
高厚之詩。一何非類。關徐廉樂之況。三戰七擒之言。
此日借子之矛。攻子之室。彼之使客。猶尚不還。此於
齊都。豪門貴戚。周行匪例。事義相懸。豈與大弟同年。
而語。吾本自凡流。以復衰老。稍近東岱。不奢擊壤之
年。惟欣堯俗。若耶之復。長保安臥。時思之不棄。黍亞
宗卿。非得侵官天展。但當令芄芄在詠。濟濟盈朝。才

寇卿雲智同荀郭文辭富於江海高論泊於雲霄趨
走丹墀之門侍奉清規之內弟來款言至欲附所聞
聯類非宜更其多惑若使良有○猶希賄鯉之書郵
驛方通復行飛鶴之信執筆潛然不知何向

在北齊與宗室書

陵白臨淮負海是謂徐州顓頊高陽世有明德自興
王啓霸無勞委劔之鋒開國承家實饗彤弓之賜其
後金柯玉葉霞振雲從耆舊通人茂才多士或以天
下之貴負石自沉王命之尊拂衣高蹈或熊衣雉製

九州人物
志逐一疏
明亦博亦
雅

青組朱旗儒盛江東文高河北或復分齊處魯移魏
居燕瓜陟雖遙芳枝無遠昔有王敦王莽無關控鶴
之宗劉曜劉淵彌非偃龍之族又有朱家別錄邾子
之苗何氏殊源韓侯之胤三鳥五鹿時事無恒東郭
西門遷訛非一吾宗雖廣未有駢枝咸自駒王同分
才子正以金衡委御玉斗宵亡胡賊憑陵中原傾覆
我則供犧牲於東國載主祐於南都二百餘年家于
楊越此則盧諶不去裴寧仍畱高館燕秦遲迴鄉壤
山河有隔敘覲無緣望冀馬而增勞瞻賓鴻而永嘆

昔竇公累世。光武稱其外家。許都遙遠。靈王思其舊宅。其言雖大。可以喻小。况在宗親。寧無停眷。比月應雩龍。星移殷鳥。天明和煦。體中何如。願百年之老。與居多福。萬石之君。寒暑清豫。其外族忠孝。比屋連甍。信義勇於干戈。詩書甘於酒醴。或有漁獵三史。紛綸五經。都講開費。詩生負帙。邦君佇德。寧無掛榻之恩。州將欽風。應有題車之命。南陽坐嘯。寄以共治。東海行歌。資其主弼。梁竦不好。徒為大言。鄧禹平生。唯望如此。若栖遲偃仰。因事丘中。桃果三名。栗園千樹。執

竿而釣。徵聘不來。負耒而耕。公侯靡屈。何其高也。蓋復休哉。如脫推延。或遲竝問。吾階緣人。乏叨蓬皇華。王事無淹。公禮將畢。既而揚都蕩覆。方離獫狁之災。越界風塵。無復輶軒之禮。屏居空館。多歷歲時。豐犯靈祇。招延禍罰。號慕無窮。肝膽屠殞。煩冤胸臆。不自堪居。無心奈何。無狀奈何。自徘徊河朔。亟積寒暄。風患彌留。半體枯廢。折臂為公。雖非羊祜。跛足而使。無慙卻克。固以形如稿木。心若死灰。匍匐苦廬。纔有竟氣。夫迷山之客。遲遙響於巖崖。窮海之賓。望孤烟於

點染處紅
蔓繞然紫
苞爭吐

洲嶼况乃宗均魯衛地。匪燕吳車騎相望丹艸朝夕。
三條不遠。五達非難。信乃濶然。遂不蒙問。昔桃花之
峽。長避秦嬴芝草之山。遙然滄海。猶復漁船可入。何
况平途不兼旬。月勞懷既積。輒命行人。弦望之間。遲
枉歸翰。儻二三兄弟。能敦照穆之詩。求我漳濱。幸問
劉禎之疾。陽春改節。竝念將宜。扶力爲書。多不詮次。

與王吳郡僧智書

昔林宗道主時人。多慕德之實。無忌雄豪。天下盡希
風之客。况復王家沉默。謝氏混玄。名貴公門。譽華卿

子而秦峰阻。夏浙水悠。長語訴無因。但用窮結比青。
妻已戒白露。方溥體中何如。願保康勝。鄧仲華服。袞
之年。苟令則擁麾之日。徒云早達。未可同功。今日相
方豈不高視。竊承富春。頃歲多難。薦臻邑開。皆空黔。
黎將盡。御史舊榻零落。不存。太傅齊室。荒茫無處。自
神麾所屆。襁負斯歸。新屋方華。故田斯墾。府吏閑坐。
長史誦經。督郵無事。唯慮吹笛。東苞海水。俱承幕府。
之威。西泊江沱。同仰惟良之化。政差邊張。何其神也。
孤子無心。覲冒苟郤。光陰風疾。彌留示有餘息。恩將

連枝與桐
若果榮思
不堪多讀

連枝興
葛纒纒
不堪多

公聘窮擯虜庭。博望侯極跡於黃河。顧中監流滯於滄海。自斯以後。唯有庸賤。本應埋冤趙魏。折骨幽并。豈意餘年。復反鄉國。仰屬伊公在亳。涓涓老師。周旌責丘園。採拾衡巷。遂以哀駘。不棄甕盎。無遺還顧。庸虛未應階此。竊承君侯過被。以光輝。屢有吹噓之言。頻蒙薦延之澤。故得周行紫閣。升降丹墀。黠汗清朝。豈不荒愧。雖復華陰。砥柱帶地。窮深嵩高。維岳極天。爲重。未可以方斯盛典。譬此洪恩。年迫桑榆。豈期酬報。政以川波非遠。對奉無因。夜夢子長之遊。朝覽希道。

指揮則紅
紫成羣俯
仰則丘陵
生韻

之疏浮雲西北。徒懷魏帝之文行。雨東南思假飛山之便。窮誠已結。荒係逾深。方事祈寒。願加珍納。謹扶方白書。迷乏不次。

答李顯之書

近謬枉清音。無伸窮眷。忽辱來告。文製兼美。君山西盛族。素挺風流。河北辭林。本所嗟賞。子桓虛座。寧不敬期。伯喈倒屣。固以相屬。一日復其草土。思繫衣裾。披素清顏。但覺形穢。公輔之量。不負高名。王佐之才。信表天骨。孺子之榻。雖其可懸。仲康之車。彌軫恒眷。

鐘鳴漏

蘇成前

裁紅文

之工可

招魂復

陳事出手

能新

鐘鳴漏盡
繡成剪繪
裁紅文字
之工可以
招魂復起

孤子階緣素乏，叨筮皇華。今日形容無關，天壤殘光。炯炯慮在昏明，餘息綿綿，待盡鐘漏。安可以樹揚名士，游處盛賓，來喻泰高，知爲善謔。文艷質寡，何似上林華而不實，將同桂樹。但忘年之款，昔有張裴，隣國之交，非無嬰孔。儻哀駘可悅，甕盎非疑。方願投衿，庶比傾蓋。頃陳陽之疾，歲月增深。羊祜之病，秋冬彌劇。且年光適盡，觸面崩心。扶力含毫，諸不申具。

與周冢宰宇文護論邊境事書

國有三慶，民有四安。所謂通和，是由隣睦。况周陳欵

味事出手
能新

好一紀于茲。懷抱相期，百世方遠。灌瓜之美，久勅邊吏。拾橡之尤，想應無忽。梁氏以漸水東爲安，湘小郡宜立巴州。多歷年所，此於荆部。本包分界，近得刺史符元舉啓，稱蕭山歸，忽遣杜元茂、神僧訓等，將率人馬踰溜涉，漸便置城隍，謀爲侵軼。適荷隣德，合州見還，不容今春。仍縱蕭氏，元舉累移論及，翻相河漢。更往研問，便騁鋒鏑。彼軍人恃勇，遂致俘擒。聞此紛紜，甚以驚歎。其商奄餘孽，才力甚微，爲暴邊城。良憑大國，但情均忌器，不可加兵。便勅軍司，以禮相放。且前

歲所大疆城本以南平等五郡輸薦貴朝至如安期
既屬巴郡幸承隣惠無候涉言放下漸東唯如灑北
政是標其大桶屬荊州之界耳彼此方申分好義絕
規圖所貴唯和所重唯信夫以南平等郡地廣民豐
雲夢之田楚王爲寶吳當劭蜀晉拒強秦資彼山川
並爲州鎮朕若棄其仁義務廣封城寧容延歲並貢
周朝今者和親巴固山岳而方謀尺寸之土用益兼
葭之地哉幸非竊疾相見鑿容江陵小寇旣爾虔劉
前至之言或相誣罔一二因使人宇文平口具其懷

會文切韻
靡靡可聽

耿耿故此相白陳諱頓首

與章司空昭達書

君白日聖朝受命天下廓清所餘殘兇唯有歐紇南
通交愛北據衡疑兄弟叔侄盤阻川洞百越之責不
供王府萬里之民不由國家明公受朕嚴冬持兵抄
歲開水賤露喘火宵行便屈含淮乃其神速未聘三
略非勞六奇薄交旗鼓仍平醜類自太清之末永定
以來所闢疆界不過郡邑今茲赴捷二十餘州若較
此功庸方茲英力漢之馬援不能爲擬吳之步騭故

是相懸。况孫處宗之叛徒。正槌盪主耳。公私慶快。豈可勝言。且僕一子屯窮。妖徒所制。五嶺遐變。存亡不測。玄懷飲淚。破膽復全。蒙荷英恩。保其身命。餘年仰戴。何力能勝。今遣主師某。馳往稱慶。徐君呈。

諫仁山深法師罷道書

竊聞出家閑曠。猶在虛空。在俗樊籠。比於牢獄。非但經有明文。亦自世間共見。嘗聞法師覆彼舟航。趣返緇衣之務。此爲目下之英奇。非久長之深計。何以知然。從苦入樂。未知樂中之樂。從樂入苦。方知苦中之

苦。弟子素與法師。雖無曩舊。相知以來。亦復不疎。夫良藥必自無甘。忠諫者決乎逆耳。倚見其僻。是以不忍不言。且三十年中。造莫大之業。如何一旦捨已成之功。深爲可惜。敬度高懷。未解深意。將非帷帳之策。欲集劉侯。形類臥龍。擬求葛氏。黃石兵法。寧可再逢。三併茅廬。無由兩遇。封爵五等。唯見不逢。中閭外門。難朱易白。鳴笳鳳管。非有或聞。舞女歌姬。空勞反翫。覓之者。等若牛毛。得之者。譬猶牛角。以此之外。何所窺窬。法師今若退轉。未必有一稱心。交失現前十種。

通篇書意
極淺正爲
下根人發

大利何者佛法不簡細流入者則尊歸依則貴上不朝天子下不讓諸侯獨翫世間無爲自在其利一也身無執作之勞口餐香積之飯心不妻妾之務身飾芻摩之衣朝無踐境之憂夕不千里之苦俯仰優游寧不樂哉其利二也躬無重任居必方域白壁朱門理然致敬夜琴晝瑟是自娛懷曉筆莫詩論情頓足其利三也假使棘生王路橋化長溝巷吏門兒何由仰喚寸絹不輸官庫升米不進公倉庫部倉司豈須求及其利四也門前擾擾我足安眠巷裏云云余無

驚色家休大小之調門停強弱之丁入出隨心往還自在其利五也出家無當之僧猶勝在俗之士假使心有殺戮手無斷命之愆密裏通情決勝灼然嬌俗如斯煩惱萬倍不如白衣一入愛河永沉無出其利六也聽鐘聲而致敬尋香馥以生心朝覩尊儀莫披寶軸刹那之善逐此而生水滴微功漸盈大器未知因緣果報善惡皎然就此而言其利難陳矣假使達相白衣猶有埃塵之務縱令遙寄彈指遠近低頭形去心留身移意往閑有者得如此貧苦者本無因近

在目前不言可見其利七也。山間樹下故自難期。枕石漱流實爲希有。猶斯之類不可思議。如此者難逢。一心者怖遇法師未能不學。交習聽勝之因。一旦退心於理邈矣。其利八也。開織成之帙。見過去之因。摘琉璃之卷。驗當來之果。識因識果。不以爲愆。知福知報。何由作罪。上無舟楫。交見沒溺之悲。下失浮囊。則有沉身之患。其利九也。曠濟羣品。爲天人之師。水陸空行。皆所尊貴。言必闡黎和尚。書輒致敬和南。遠近嗟詠。貴賤顛仰。法師今必退轉。立成可驗。終脫袈裟。

逢人輒稱汝。我始解偏袒。姓名便亦可呼。平交者故自不論。下劣者亦恐不讓。薄言稱已。榻席懸異。從來小得自在。便以君爲題封。若不屈膝歛手。自達無由。俯仰承迎。未閑合度。如此專專。何由可與其利十也。畧言十事。空失此機。其間深道。寧容具述。仰度仁者。心居魔境。爲魔所迷。意附邪途。受邪易性。假使眉如細柳。何足關懷。頰似桃花。詎能長久。同衾分枕。猶有長信之悲。坐臥忘時。不免秋胡之怨。洛川神女。尚復不惑。東阿世上。班姬何關。君事夫心者。面焉若論。纒

總則共氣共心一遇纏綿則連宵宴起法師未通返
照安悟賣花未得他心那知彼意嗚呼桂樹遂爲豆
火所焚可惜明珠乃受淤泥埋沒弟子今日橫豁必
爲法師所哂世上白衣何貴何限且一人退道而不
安危推此而言實成難解譬如瓦礫盈路人所不驚
片子黃金萬夫息步正言法師入道之功已備染俗
之法未加何異金博赤銅銀換鉛錫可悲可惜猶可
優量能忍難忍方知其最願棄俗事務息塵勞正念
相應行志兩全薄加詳慮更可思維悔之在前無勞

後恨如弟子筭遠卽十數年中決如惻惻近卽三五
歲內空唱如何萬恨萬悲寧知遠及自誤自錯永棄
一生乃知斷絃可續情去難留或若火裏生花可稱
希有迷人知返去道不遙幸速推排急登正路法師
非是無智遂爲愚者所迷類似阿難便爲魔之所燒
猶須承三寶之力制彼羣兒豎般若之幢天魔自款
若此言肯當卽便真棄芻蕘若不會高懷幸停深恠
耳

陵和南昨預沈儀同法席。餐奉甘露。無畏之吼。衆咸歸伏。然正法炬。朗諸未悟。自慶餘年。得逢妙說。尋事諮展。書不申心。

又與天台智者大師書

陵和南注傾之心。難可敷具。披公至蒙。三月念日。示用慰積歲傾心。麥冷體中何如。願一日康勝。山中春夏。無餘障。腦耳遲復存。旨弟子二三年來。溘然老至。眼耳聾。聞心氣昏塞。故非復在人。兼去歲第六兒夭喪。痛苦成疾。猶未除愈。適今月中。又有哀故。頻歲如

此窮慮轉深。自念餘生。無復能幾。無由禮接。係仰何言。敬重瑛書。今還白書不次。

又與天台智者大師書

陵和南放生星聞公家。極相隨喜。事是拔公口具。謹不多諮。唯遲板公。廷出數百里水。全其命根。如此功德。算數無盡。隨喜無量。此不委諮。

上智者禪師

陵和南弟子。思出樊籠。無由羽化。既善根微弱。冀願力莊嚴。一願臨終。正念成就。二願不生地獄。三途。

此願恐不
易稱然非
證佛人必
不敢作此

願即還人中不高不下處託生四願童真出家如法
奉戒五願不墮流俗之僧憑此誓心以策西暮今書
丹款仰乞證明

徐孝穆集卷七終

徐孝穆集卷八

陳郟徐陵著

明東海屠隆評

頌

皇太子臨辟雍頌

臣聞天大王大。詳於道德之言。天文人文。顯於爻象
之說。是以大君革命。黔首所以庇焉。聖人創物。文籍
所以生焉。咸由此道。制為民極。莫不對越上靈。裁成
庶類。濟世育德。昭彼昆蟲。皇帝世膺下武。體茲上德。
握天鏡而授河圖。執玉衡而運乾象。皇太子耀彼重

離光茲七鬯。儀天以文。化成天下。侍中國子祭酒新
安王。宗室羽儀。衣冠準的。惟善爲樂。造次必儒。粵以
十一年三月二十一日。受詔弘宣發論語題。攝齊升
堂。振衣卽席。對揚天人。開闢大訓。清言既吐。精義入
神。副德爰動。音○鋒起。問難泉涌。辨論綸之異。定倫
理之疑。玉振鏘鏘。雲浮雨布。介王奉繫聖蹤。馳辯秀
出信令。張禹慙其師法。何晏忸其訓詁。穆穆焉洋洋
焉。此實虞朝之盛德。生民之壯觀者也。臣抑又聞之
魯頌聿興。史克宣其懿。晉雍大啓。王廙逞其詞。所以

述休平之風。揚君上之德。輕以下才。敢爲頌曰。皇運
勃啓。膺圖受命。紫蓋東臨。黃旌南耿。積仁累德。重明
疊聖。四海無浪。三階已平。儲駕戾止。和鸞有聲。弘風
講肆。崇儒肅成。丹書貴道。黃金賤籊。洙泗典業。闕里
增榮。

銘

太極殿銘

是秣陵太極殿非移張就李可此

夫紫蓋黃旗揚都之王氣長久虎踞龍蟠金陵之地體貞固天居爽塏大寢尊嚴高應端門仰模營室歸于有德譬彼河圖傳我休明義同商鼎太極殿者法氏象亢王者之位以尊左平右城天子之堂為貴往朝煨燼多歷年所世道隆平宜其休復監軍鄒子度啓稱卽日忽有一大梓柱從流來泊在後渚岸差巖容與若漢水之僂槎搖漾波濤似新亭之龍刹孤拔

縮靈光於
手腕運斤
斧而自如

靈山允彰天貺。昔梁氏承聖。將圖繕修。東虜窺江。西
胡犯蹕。定之方中。亟興師旅。揆之以日。輒有災故。是
知秦人所止。實漢祖而爲宮。吳都佳氣。乃元皇而斯
宅。千櫨赫奕。萬拱峻嶒。植綠芰而動微風。舒丹蓮而
制流火。甘泉遠望。觀正殿之崢嶸。函谷遙看。美皇居
之佳麗。信可以齊三光而示宇宙。會萬國而朝諸侯。
爰命微臣。乃爲銘曰。雍峙相望。參差未央。偃師廻顧。
崔嵬德陽。高捫太乙。正睹瑤光。峩峩靈柱。赫赫流樟。
美以宮室。嘉哉今日。御宸垂旒。當朝靖蹕。樂備韶夏。

禮兼文質。帝旅無誼。王旗斯謐。肅肅卿士。邕邕承勅。
漢座雕屏。周人檻櫺。城隅有勤。殿省皆銘。况復皇寢。
宜昭國經。方流典訓。永樹天廷。

麈尾銘

象物神手

爰有妙物。窮茲巧制。員上天形。平下地勢。靡靡絲垂。
綿綿縷細。入貢宜吳。出先陪楚。壁懸石拜。帳中玉舉。
既落天花。亦通神語。用動捨默。出處隨時。揚斯雅論。
釋此繁疑。拂靜塵暑。引飾妙詞。誰云質賤。左右宜之。

序

玉臺新詠序

凌雲概日。由余之所未窺。千門萬戶。張衡之所曾賦。
周王璧臺之上。漢帝金屋之中。玉樹以珊瑚作枝。珠
簾以玳瑁爲柙。其中有麗人焉。其人也。五陵豪族。充
選掖庭。四姓良家。馳名永巷。亦有潁川新市。河間觀
津。本號嬌娥。曾名巧笑。楚王宮內。無不推其細腰。魏
國佳人。俱言訝其纖手。閱詩敦禮。非直東鄰之自媒。
婉約風流。無異西施之被教。弟兄協律。自小學歌。少

作此等文
不嫌纖媚

長河陽。由來能舞。琵琶新曲。無待石崇。筵篋雜引。非
因曹植。傳鼓瑟于楊家。得吹簫于秦女。至若寵聞長
樂。陳后知而不平。畫出天仙。闕氏覽而遙妬。且如東
鄰巧笑。唯侍寢于更衣。西子微顰。將橫陳于甲帳。陪
游駁娑。騁纖腰于結風。長樂鴛鴦。奏新聲于度曲。粧
鳴蟬之薄鬢。照墮馬之垂鬟。反插金鈿。橫抽寶樹。南
都石黛。晁發雙蛾。北地臙脂。偏開兩靨。亦有嶺上仙
童。分丸魏帝。腰中寶鳳。授曆軒轅。金星與婺女爭華。
麝月共嫦娥競爽。驚鸞冶袖。時飄韓椽之香。飛燕長

如此才女
縱傾城傾
國不足以
酬也

裾宜結陳王之珮。雖非圖書。入甘泉而不分。言異神
仙。戲陽臺而無別。真可謂傾國傾城。無對無雙者也。
加以天情開朗。逸思彫華。妙解文章。尤工詩賦。琉璃
研匣。終日隨身。翡翠筆牀。無時離手。清文滿篋。非惟
芍藥之花。新製連篇。寧止葡萄之樹。九日登高。時有
綠情之作。萬年公主。非無累德之辭。其佳麗也。如彼。
其才情也。如此。既而椒房宛轉。柘館陰岑。絳鶴晨嚴。
銅鋪晝靜。三星未夕。不事懷衾。五日猶餘。誰能理曲。
優游少託。寂寞多閑。厭長樂之疎鐘。勞宮中之緩箭。

魏歌彙集
寧爲風雅
之罪人

輕身無力怯南陽之禱衣生長深宮笑扶風之織錦
雖復投壺玉女爲歡盡於百曉爭博齊姬心賞窮於
六著無怡神于暇景惟屬意于新詩可得代彼萱蘇
微蠲愁疾但往世名篇當今巧製分諸麟閣散在鴻
都不藉篇章無由披覽於是燃脂暝寫弄墨晨書撰
錄艷歌凡爲十卷曾無參于雅頌亦靡濫于風人涇
渭之間若斯而已於是麗以金繩裝之寶軸三臺妙
札龍伸蠖屈之書五色花牋河北膠東之紙高樓鉛
粉仍定魯魚之文辟惡生香聊防羽陵之蠹雲飛六

多情韻語
足令銷魂
天下有情
人多是收
香鳥

甲高檀玉函鴻烈仙方長推丹枕至于青牛帳裏餘
曲旣終朱鳥牕前新粧已竟方當開茲縹帙散此緗
編永對玩于書帷長循環于纖手豈如鄧學春秋儒
者之功難習竇傳黃老金丹之術不成固勝西蜀豪
家託情窮于魯殿東臺甲館流詠止于洞簫變彼諸
姬聊同棄日猗與彤管麗矣香奩

爲護軍長史王質移文

比金風已勁。玉露方圓。宜及窮秋。幸踰高塞。當使孤
旌不反。隻騎無還。非止湯羅。豈知堯德。其承比年昏
墊。仍歲蘊隆。粒粟貴於隋珠。分糜乏於齊鼎。且氏羌
旅拒。已跨伊瀍。胡羯憑陵。方踰汾潞。刺虎之勢。時期
卜生。拾蚌之機。彌驗蘇子。但國家體茲明信。有同皎
日。豈惟風雨之且。猶救匹夫。宵夢之言。無欺幽壤。賊
華皎近。以臨蕃有。譴作牧無章。旣懼檻車之徵。便憂
齊斧之戮。遂乃治兵楚夢。竊戴干戈。傍引西戎。共謀

李固燕然
碣化來

東夏僞周遣其衛國公宇文直等總統獯獫爲其羽翼醜徒濟岸來攻郢城逆豎浮舟同趣夏浦王師櫂櫂素在中流群帥爭驅應時殲蕩羌胡寶馬縱橫七澤之中荆楚樓船彌滿三江之上俘禽所獲水陸無遺華皎擢自芻微叨居蕃翰情慙犬馬罔顧恩靈齟執干戈自圖家國聞諸間諜具彼隣謀乃授冬官卽爲鄉導雖傷仁義之俗非敢有私期 和與之情猶冀無失

移齊文

獲去月二十日移承羯寇平殄同懷慶悅眷言鄰穆深副情佇夫天網之大固無微而不擒神武之師本無征而不克至如戎王傾其部落逆豎道其鄉關非厥英圖殆難戡戮况復洞庭遐曠兵食陰阜西窮版屋北罄瓊廬聲冠苻姚勢兼聰勒庸蜀寶馬彌山不窮巴漢樓船陵波無際我之元戎上將協力同心承稟朝謨致行明罰爲風爲火殪彼蒙衝如霆如雷擊其舟艦羌兵楚賊赴水沈沙棄甲則兩岸同奔橫屍則千里相枕江川盡滿譬睢水之無流原隰窮胡等

縱氣昏騰
鬼燐慘感
一筆寫出

極拉羅事
摹得濃至

陰山之長哭。於是黑山叛。邑諸城洞開。白虜連羣。校
戈請命。長沙鵬鳥靡復。爲妖湘川石燕。自然還。儼克
翦無筭。縲禽不貲。欲計軍俘。終難巧曆。所獲龍駒。驥
子百千。其羣更開。首落之園。方廣駒跡之廐。於是衛
霍甘陳。虬髯瞋目。心馳壘路。志飲河源。乘勝長驅。未
知所限。豈如桓溫不武。棄彼關中。殷浩無能。長茲羌
賊。方且西踰酒郡。抵我境而置邊亭。東略鹽池。爲齊
朝而反侵地。此亦翦妖氛。未窮巢窟。便聞慶捷。愧
佩良深。

檄周文

既報三施
不宜樹怨
措詞立意
使敵人心
服

主上恭膺寶歷。嗣奉瑤圖。既稟聖人之材。兼富神武
之畧。又安兆庶。共靖戎華。用戢干戈。永銷鋒鏑。况復
追惟在楚。無忘玉帛之言。軫念過曹。猶感盤餐之惠。
年馳玉節。之使歲降。銀車之恩。庶使懷音。微悟知感。
而反其藏匿。招我叛臣。翊從瀟湘。空竭關壘。荆梁左
右。漢沔東西。籲天呼地。望停哀救。夫一人掩泣。猶愴
滿家。百姓爲心。彌切宸辰。大都督吳明徹。台司上將
德茂勲高。威著荆湘。化聞庸蜀。叱咤而平。宿豫吹噓。

而定壽陽。席捲江淮。無淹茲望。

徐孝穆集卷八終

徐孝穆集卷九

陳郟徐陵著

明東海屠隆評

碑

徐州刺史侯安都德政碑

巖巖天柱。大矣周山之峰。桓桓地軸。壯哉崑崙之阜。
三光懸而不墜。九土鎮以無疆。承乾合德之君。則天
體元之后。所以並咨四鎮。咸建五臣。業配蒼祇。功成
寓縣。至於流名雅頌。著美風詩。年代悠然。寂寥無紀。
其能繼茲歌詠者。司空侯使君乎。自文昭武穆。祚土

開家。漢水盛其衣。簪榮波分其緒。秩仁義之道。夷門
美於大梁。儒雅之風。司徒重於強漢。自通人許劭。託
命於江湖。高士袁忠。寄身於交越。俱違建安之難。獨
處衡山之陽。祖天資秀傑。世載雄豪。卓富擬於公侯。
班佃必於旌鼓。父光祿大夫。邑里開通德之門。州鄉
無抗禮之客。自茫茫禹迹。赫赫宗周。家滅驅戎。國亡
夷羿。我高祖武皇帝。迎河圖於浪泊。括地象於炎州。
南興涿鹿之師。北問共工之罪。天生宰輔。堯年致白
虎之祥。神賜英賢。殷帝感蒼龍之傑。公亦觀時佇聖。

嘯咤風雲。跪開黃石之書。高詠玄池之野。沈吟梁甫。
自比管仲之才。惆悵莘郊。久負伊生之歎。自鴛虜侵
華。羣蠻縱軼。後臯桂部之地。四戰五達之郊。郡境賢
豪。將謀禦難。長者僉論。推公主盟。義士雄民。星羅霧
集。公既膺五聘。方啓六韜。率是曉徒。仍開嶺嶠。自大
討瀟湘。同茲樊鄴。下軍違命。上策不宣。敗我王師。受
拘勅盜。大陳格於文祖。威秩具神。率土依風。群靈稟
朔。公亦忠爲令德。天纂之謀。吳帳斯開。衛門無擁。雖
復季孫還魯。隨武濟河。國慶民歡。相儔匪若。卽授使

持節開府儀同三司丹陽尹。昔光武不尤於馮異。穆公深禮於孟明。終報王官之師。遂舉咸陽之地。斯乃聖王之宏畧。而名臣之遠圖者焉。皇帝以陶唐啓國。致玉版於河宗。顓頊承家。佐金天於江水。經綸草昧。定鼎之業居多。締構權輿。斷鼇之功相半。固以英聲馳於海外。信義感於寰中。王器攸歸。當璧斯在。公於是抗表長信。清宮未央。從億兆以同心。引公卿而定策。馳輕軒於軫轡。奉待駕於中都。七廟之基。於焉永固。萬邦之本。由此克寧。乃復進司空公南徐州刺史。

論農務則
循聲而得
貌言節候
則披文而
見時

於是鎮之以清靜。安之以惠和。望杏敦耕。瞻蒲勸穡。室歌千耦。家喜萬鍾。陌上成陰。桑中可詠。春鷓始嘯。必具籠筐。秋蟀載吟。競鳴機杼。或肅拜靈祀。躬瞻舞雩。去駕擁於風塵。還旌阻於飄沐。京坻歲積。非勞楚堰之泉。倉廩年豐。無用秦渠之水。雖復東過小縣。夏雨逐其輕輪。南渡滄江。秋濤弭其張蓋。固不得同年語矣。若夫聽採民訟。昏曉必通。召引軒櫺。躬親辨決。立授符於前案。無留詣於後曹。接務高城之中。非異甘棠之下。欣欣美俗。濟濟都塵。以賈琮郭賀之風。行

建武永平之化。於是州民散騎常侍王瑒等拜表宮闕。請揚茲美化。樹彼高碑。民欲天從。允彰絲誥。銘曰。鬱鬱三象。茫茫九州。綿天慘慘。浹地虔劉。赫矣高祖。爰清國讐。元勳佐命。力牧風后。亦旣旋歸。邦家有暉。宮亭蠡浦。奮翅高飛。電卷勅寇。風行國威。文身被髮。作貢來綏。我皇纂武。攀號東序。謁渭同周。迎門唯呂。流矢爲暴。攬槍斯舉。喋喋蒼黎。危危刀俎。自我徂征。妖氛克平。爰驅大虺。實翦長鯨。北震巢浦。南俘灌城。青羌卷介。赤狄迴兵。蹈舞難踰。歌謠靡宣。曰我黎庶。

直而不野

俱祈上玄。山移兩越。海變三田。公爲上相。復倍斯年。

廣州刺史歐陽頤德政碑

弱水導其洪源。軒臺表其增殖。懿哉少府。師儲皇於二京。盛矣司徒。傳儒宗於九世。廣陵邕邕。族擅江右。渤海赫赫。名重洛陽。若夫岳鎮龍蟠。星懸鶉火。衡山誕其高德。湘水降其清輝。千仞孤標。萬頃無渡。年當小學。志冠成童。因孝爲心。欲仁成體。屯騎府君早棄榮祿。易簣之日。幾將毀終。不杖之言。深非通制。遺貲巨萬。富擬荷頓。裁變槐榆。竝賑宗戚。南次大麓。北眺

發端必道
體大而文
炳

清湘得性於橘洲之間。披書於杏壇之上。三冬文史。五經縱橫。頻致嘉招。確乎難拔。既而帝啓黃樞。神亾赤伏。天地崩貫。川豕沸騰。群倖酋豪。更爲禍亂。朝披羽檄。夜炤燿烽。浴鐵蔽於山原。縱金駭於樓堞。公疲兵屢出。獨據胡牀。勅賊重圍。尚凭書几。揚灰既散。駕棒將揮。咸剋凶梁。以保衡服。常以二主蒙塵。三光掩曜。出入逾於嘗膽。殷憂獨其撫心。不治第宅。深符夫病。志梟群醜。彌同越石。自禹珪旣錫。堯玉已傳。物變謳謠。風移笙管。商周之際。孤竹尚其哀歌。曹劉之間。

蘇子猶其狂哭。况番禺連帥。實謂宗枝。迷我天機。自窺梁鼎。以公威名本重。逼統前軍。乾數難違。剝象終悔。高祖永言惟舊。彌念奇功。卽訓皇家。深弘朝綱。檻車才至。輿襯已焚。祝史祆於夷吾。壇場延於井伯。綢繆安樂。造次紆謀。爰珥豐貂。允光金螭。但八桂之土。蠻夷不賓。九疑之陽。兵凶歲積。以公昔在衡臯。深留風愛。仁恩可以懷猛獸。威名可以懼啼兒。乃授持節。散騎常侍。衡州刺史。我皇帝從唐侯以胤國。屈啓筵而登家。一恭寶祚。開定江沔。三改璇衡。包羅湘峽。昔

中宗屈申於處仲。高祖遺恨於平城。漢武承基。方通沙塞。晉明紹運。裁平姑孰。方其盛業。綽有光前。踐祚之初。進公位征南將軍廣州刺史。又都督東衡州二十州諸軍事宜。公乃務是民天。敦其分地。火耕水耨。彌亘原野。賊盜皆偃。工賈競臻。鬻米商鹽。盈衢滿肆。新垣既築。外戶無扃。脂脯豪家。鐘鼎爲樂。揚祛灑汗。振雨流風。市有千金之租。田多萬箱之詠。僧釋慧美等。來朝絳闕。備啓冊誠。乞於大路康莊。式刊豐琰。庶獎卿寶鼎復述。台司之功。羊叟高碑。更紀征南之德。

於是跪開黃素。爰登紫泥。鑒此誠祈。皆如所奏。乃詔庸臣。爲其銘曰。赫赫宗陳。桓桓鼎臣。千乘建學。五典攸因。盛德斯遠。公門日新。嵩高惟岳。睨甫生申。去衡移廣。遷征自鎮。悠悠銅界。藐藐金鄰。莫遠非督。無思不實。三江靡浪。五嶺奚塵。式歌式舞。仁哉至仁。公其饗福。於萬斯春。

晉陵太守王厲德政碑

若夫睢陵世傳。以詳載德之華。徐州先賢。亦著清風之美。偉哉文獻。光啓中興。郭莖表其深源。何等懋其

事豐奇傳
辭富膏腴

遠慶。豈惟桓氏之鳴玉。張家之珥貂。袁姓之朱衣。楊宗之華轂。又有欣飛遮列。班弓夾門。濯龍俯望。緹綺盈道。奕世如此。何其盛哉。君以藍田美玉。大海明珠。灼灼美其聲芳。英英照其符彩。風神雅淡。識量寬和。既有崔琰之鬚眉。非無鄭玄之腰帶。爛爛如高巖下。電騷騷若長松裏。風勢利無擾於胸襟。行藏不槩於懷抱。家門雍睦。孝友爲風。上交不諂。下交不賈。脫貂救厄。情靡矜吝。釋馬窮途。唯濟危殆。至於網羅圖籍。脂粉藝文。學侶揖其精微。詞宗稱其妙絕。出爲仁武。

奏集致意
沈靡自妍

將軍晉陵太守五雞二彘。勤卹有方。問羊知馬。鉤距兼設。濟北移樹。累政之所未治。汝南爭水。連年之所無斷。一朝明決。曾不留滯。四民商販。咸用殷阜。銘曰。康哉寶運。美矣良臣。胄自澧水。源於洛濱。公侯世及。宰輔相因。曰我民秀。山川降神。風情穆穆。孝友恂恂。學則經笥。文爲世珍。高風遠矣。曠代難倫。鼎鉉虛職。台階未臻。安知霜霰。遽天松椿。碣石斯表。民情旣陳。徒然下拜。何報陽春。

孝義寺碑

臣聞道階八地。猶見后妃。願生千佛。無匪聖賢。汲引
之義雖同。隨機之感非一。至如媯汭有禮。皇源所以
前興。周女斯歸。陳宗所以流慶。大矣哉神基帝系。淑
聖重光者也。慈訓太后。德佐初九。道暉上六。居天上
天中之極。處太任太姒之尊。蘋藻之化。斯深。葛覃之
風。彌遠。皇帝膺茲上聖。契彼援神。愛敬在乎一人。德
教形乎四海。是以明星皎皎。流半月之光。甘露團團。
灑如飴之味。嘉禾自秀。浪井恒清。天降徵祥。日聞書
府。自大明紹運。神武應期。至道傍通。無思不格。戊巳。

緯師瓊瑤
縹緲天際

拔尉西關。玉門伏波。將軍南表。銅柱方使。三千世界。
百億須彌。同望飛輪。共稟玄德。元嘉三年正月二十
一日詔旨。仰惟聖德。方被兆民。乃敕有司。改東成里。
爲孝義里。昔岱山徙號。重華著其受終。德水移名。秦
人表其嘉運。豈若盡在地輿。書茲里門。仰述天經。光
臨父母。臣陵稽首。乃作銘曰。願此良因。宜資貴親。三
乘竝策。四梵爲賓。紺殿安坐。蓮花養神。燈前禮佛。地
後邊身。竝濟含識。咸歸至真。國家隆盛。同饗遐○慶。
謹勒豐碑。陳其舞詠。

齊國宋司徒寺碑

摩詰能禪
師碑在此
中巖出

無色之外。方爲化城。非想之中。猶稱火宅。若夫衆生
無盡。世界無窮。芬若披蓮。遠如散墨。善財童子。南行
未窺。目連沙門。北遊不見。一一刹土。皆由業緣。萬萬
僧祇。終非常樂。天宮寒產。猶傾四大之風。魔殿崔嵬。
終懼三灾之火。朱樓寶塔。輝煥增華。旣義暢中土。道
流遐域。顯默同歸。華夷俱慕。自枕石湫流。始終一槩。
悟智交養。三十餘年。春秋八十三。古人云。道存人亾。
法師之謂。見我門徒。感風徽之緬邈。傷諮悟之永滅。

敢以淺見。揚德金石。銘曰。九流依真。三乘歸佛。道往
絕跡。慈還接物。孰是發蒙。昭我慧日。攝亂以定。闢邪
以律。秦皇雄感。菽理通情。王孫偏解。遠死滯生。夫子
之悟。萬劫獨明。寒暑迭易。悲欣臯壤。秋蓬四轉。春鴻
五響。孤松獨秀。德音長往。節有推遷。情無遺想。

東陽雙林寺傅大士碑

自修禪遠豁。絕粒長齋。非服流霞。若食朝沆。姜原所
履。天步可以爲儔。河流大屐。神足宜其相比。夫以連
城之寶。照廡之珍。野老恠而相捐。工人迷而不識。昔

漢皇受道。樂大不臣。魏祖優賢。楊叟如客。河上之老。輕舉臨於孝文。臺下之人。高尚加於光武。五胡內。爨。蒼。鷲。之。兆。未。萌。四。海。橫。流。夷。羊。之。牧。匪。見。滴。海。未。盡。其。辭。懸。河。不。窮。其。義。伯。陽。之。德。貞。桓。紀。於。瀨。鄉。仲。尼。之。道。高。碑。書。於。魯。縣。亦。有。楊。雄。弟。子。鄭。玄。門。人。俱。述。清。猷。載。刊。玄。石。銘。曰。來。儀。上。國。抗。禮。承。明。妙。辯。無。相。深。言。不。生。撞。鐘。比。說。擊。鼓。慙。英。樂。論。天。口。誰。其。與。京。乍。見。仙。掌。爰。標。神。足。色。豔。浮。檀。香。踰。簷。匐。嗽。嗽。門。人。承。師。若。親。寧。焚。軟。疊。弗。燎。香。薪。合。窟。爲。定。方。墳。以。墟。

疊書古人
而筆不凝
肥以其筆
之韶秀也

須彌巨海。變炭揚塵。淨土無壞。靈儀自真。何時踴塔。復觀令身。

天台山館徐則法師碑

夫海水揚塵。幾千年而可見。天衣拂石。幾萬歲而應。平至人者。譬彼晨昏。方乎晷刻。固非俗士之所能言。寰中之所能量者也。至如不死之草。猶稱南裔。長生之樹。尚挺西崑。百紀遊龜。皆登蓮葉。千齡壽鶴。或舞松枝。假矣生民。何其天脆。譬彼風電。同諸泡沫。珠火之歎。聞諸往賢。逝水之悲。嗟呼前聖。樵人看博。信未

天台山仙
山也故以
仙跡點綴

始乎淹留。留仙客。彈琴固不移。於俄頃。然而子孫皆其
數世。鄉黨咸爲草萊。是以志士名賢。飄然長驚。臘劑
榮利。厭穢風塵。服冕乘軒。其猶桎梏。朱庭紫閣。事甚
籠樊。隱淪巖洞。食餌芝髓。忽矣身輕。俄然羽化。金繩
玉版。受謁帝之符。龍駕霓裳。處仙官之錄。法師蕭然
道氣。卓矣仙才。千仞孤標。萬頃無度。所以伊川控鶴
葉縣。乘鳧靈化。無方去還。斯在銘曰。來去三鳥。賓遊
二童。然香雨上擊。磬雲中玉粒。雖軟金膏。未鎔方流
道業。濟彼昏蒙。

蓬宮闕苑
乘騎駟虬
宛拍洪崖
肩接子晉
袂

長干寺衆食碑

昔炎皇肇訓。稷正修宮。信矣天民之言。誠哉國寶之
義。自非道登正覺。安住於大般涅槃。行在真空。深入
於無爲般若。則菩薩應化。咸同色身。諸佛淨土。皆爲
揣食。證常住者。爰乞乳糜。補尊位者。猶假香飯。亦有
三心未滅。七反餘生。應會天宮。就齋龍海。况復繕居
地。轉咸憇珠庭。固以皆種仙禾。並資靈粟者矣。法師
常願以智慧火。燒煩惱薪。普施衆生。同食甘露。况復
安居自恣。願學高年。或次第於王城。猶栖遑於貧里。

卽以食豎
義

金粟鉢內
可供四天
香積厨中
能遇沙界
奚大官庖
膳可擬

迦留乞甦。苦用神通。須提請飯。致貽詞責。於是思營
衆業。願造坊厨。庶使應供之僧。皆同自然之食。升堂
濟濟。無勞四輩之類。高廩裘裘。恒有千食之備。其外
鐵市銅街。青樓紫陌。辛家黑白之里。甲第王侯之門。
莫不供施相高。資儲轉衆。法師善巧方便。漚和舍羅。
教授滋生。隨年增長。假使桑林不雨。瓠水揚波。猶厭
稻梁。永無饑乏。加以五鹽具足。七菜芳軟。甦類天厨。
果同香樹。羹鼎之大殷。王未逢糜。鑊之深齊。都非擬
昆吾在次。皆鳴鷲嶺之鐘。賜谷初升。同洗龍池之鉢。

丹陽上庸路碑

一滴可以
濕青雲抱
甦猶能傲
地利天之
所生莫先
於水

在天成象。咸池屬於五潢。在地成形。滄海環於四濱。
國險者。固其金湯。儲蓄者。因於轉漕。貨財為禮。專俟
會通。厥田為上。皆資滲漉。大矣哉。坎德之為用也。是
以握圖之主。財以利民。御斗之君。因之顯教。上哉。少
昊初命。水官。逃矣。高陽爰重。冥職。舜為太尉。于是九
澤載疏。禹作司空。然後百川咸導。開華山於高掌。鑿
靈沼於周源。莫匪神功。皆由聖德。我大梁之受天明
命。勞已濟民。有道稱皇。無為曰帝。若夫雲雷草創。剪

專州典郡。青鳧赤馬之船。皇子天孫。鳴鳳飛龍之乘。
莫不欣斯利涉。玩此修渠。乍擁楫而長歌。乃縱金而
鳴籟。斯曠世之奇功。無疆之鴻烈。

徐孝穆集卷九終

徐孝穆集卷十

陳郊徐陵著

明東海屠隆評

哀冊

陳文皇帝哀冊文

維太康元年。太歲丙戌。四月丁未朔。二十七日癸酉。
大行皇帝崩于有覺殿。殯于太極之西階。粵六月丙
寅。將遷於永寧陵。禮也。宮車晚駕。幄殿晨張。旌銘具
列。綍翻成行。哀子嗣皇帝諱。擗蜃輅於丹階。攀龍帷
於紫庭。趨過窮於屏闕。拜慟感於明靈。東京飛其瑞

露。北陸實其祥星。乃詔雲臺之史。稽採咸池之曲。叶
大雅於鳴金。同藏書於群玉。其辭曰。

若水傳帝。薰風御民。重光所集。世載于陳。赫矣高祖。
愍哉上旻。蟬聯寶霄。暉煥郊禋。我皇誕聖。應此家慶。
道主衢樽。神凝懸鏡。洛書天表。河紀靈命。納揆馳芳。
賓門流詠。稽陰克伐。震野勤王。毫道增構。幽風會昌。
言瞻少昊。實狀高陽。効駕轆轤。清宮未央。歡覃兆庶。
德洎遐荒。穆齊高寢。上膳長樂。肅肅承顏。哀哀薦酌。
悼園恭儉。章陵謙約。大寶崇明。無間改作。纂武升歷。

形容儉約
詞反華腴

遺憂寔繁。三湘九派。沴氣雲昏。力折天柱。才傾地門。
丹泉夜照。細柳朝屯。谷魅山鬼。橫流塞源。赫赫英謨。
赴赴雄斷。遞行天討。無遺神筭。鬱掃江淮。長驅巴漢。
九夷百越。雷隨風渙。北俘昆邪。西戡伊軻。荷負皇極。
劬勞萬幾。勤民聽政。晷食宵衣。服貴綈皂。風移闕闕。
唐山罷奏。濮水韜徽。訪採狂狷。搜馭久微。世感中孚。
民惟大畜。外戶無閉。高垣奚築。降情儒雅。凝懷庠塾。
御廡爲歡。臨雍彌肅。禮兼三代。樂備九成。天資武德。
地照文明。墨履斯在。幪巾自清。連珠合璧。曜爽流精。

獸舞時務。禽歌頌平。帝載維遠。王靈維大。候雨占風。
荒中海外。憬彼鞆譯。咸承冠帶。是曰君臨。斯爲交泰。
白環已貢。玄珪克貞。東河佇楫。北狄思征。鉞斧將戒。
璵珉未鳴。星淫去楚。日沴悲荆。億兆何疊。穿昊遽傾。
嗚呼哀哉。大禹胼胝。重華踞腊。仰惟勞務。同斯違懌。
吉夢無徵。昭祈奚益。聽茂陵之鐘鼓。抱喬陽之劔舄。
雖髣髴於神儀。終纏綿以號擗。嗚呼哀哉。三占已吉。
四海星奔。列贈天宇。崩號帝閭。千門啓於閭闔。萬乘
警其靈輶。槐風悲於輦道。松雨思於郊源。鑿旆動而

虛悲宿衛。靜而空尊。嗚呼哀哉。畢陌平夷。流山蟠固。
紀無遷市。唐有通樹。經白社之修途。廻青門之廣路。
思沛邑以東臨。懷周京以西顧。嗚呼哀哉。機神不測。
性道難稱。克窮靡寄。孺慕奚憑。唯封云亭之與禪父。
肅玉牒之與金繩。揚英聲而永久。共日月而俱升。嗚
呼哀哉。

華屋山丘
感深人意
攀髯抱烏
能不盡傷
吐詞雖終
猶令痛入
心髓

墓誌

司空河東康簡王墓誌銘

起叙譜牒
便有眉宇
天人色映
塞外之意

夫聖人至德。天道福謙。大哉堯舜。貽慶長遠。明兩之
盛。中陽纂於泰龍。百世之祀。皇家兆於鳴鳳。違丹丘
於海北。應紫蓋於江南。帝系皇基。重光累葉。高祖之
建天柱。列聖之補地維。蕩蕩乎民無得而名焉者也。
王資神昴緯。託曜房靈。體斯孝烈。不由師保。月生之
對。會何用於擬議。日近之言。亦無階於等級。封河東
王。加侍中。淑貌與金燧相宜。清顏與玉壺同照。授使

持節南徐州刺史。武羌旅拒。亭障遷移。漠草非長。廣之東。湖萊近荆門之北。王常譏庾翼。使白面之非才。深慕曹彰。歎黃鬚之爲可火。精不退矣。應善言水蛭。難消。徒持陰德。薨于沙鎮。時年一十有七。追贈司空。加鼓吹班劍。諡曰康簡王。洛北占墳。河南除道。葭悲。煙殿之聲。劔動豐城之氣。豈惟晉王寵悼。重琅邪之贈官。魏后高文。制蒼舒之哀誄。

司空章昭達墓誌銘

周原膺膺。佳氣葱葱。王業攸興。帝圖斯盛。在昔光武。

寫得簡至

佐命隣縣者。鄧侯高祖。元臣同郡者。蕭相公。台輔之量。便著綺紈。瑚璉之姿。無待雕琢。起家爲東宮直前。所奉之君。則梁簡文皇帝。旣而黑山巨盜。憑陵上國。白水疆胡。虔劉中夏。公傾其產業。募其驍雄。思報皇儲。累殲鯨寇。屬幽風有象。代邸方降。搜荆楚之英才。資班輸之妙畧。百樓忽起。登雲霄而俯臨。萬弩俱張。隨雷霆而並震。揚兵於九天之上。決勝於千里之中。殪彼羣兇。皆無旋踵。陳寶應至懷。反叛客引。周廻資其食力。更事窺齋。公奉詔崇朝。飲水將力。前茅後勁。

步驟奔馳。仍向甌閩。殄其巢窟。若夫鳴虵之洞。深谷
隱於蒼天。飛猿之嶺。喬樹參於雲日。宜越艇而登嶠。
蒙燕犀而涉江。威武紛紜。震山風海。於是咸俘僞師。
悉據高墉。爰泊滄溟。莫不懲艾。旣而齊人無信。將謀
郢藩。鬪艦戈船。窺江淹漢。公纔聞羽檄。遽稟師期。馳
襲荊鄖。應時燒蕩。方欲宣威隴汧。大討梁華。屬上將
之韜光。逢中台之掩曜。大建三年。薨於軍幕。爾乃青
烏拍墓。白鶴標墳。林有逃車。樹同華蓋。前於熊軾。後
乘龍輻。介士發三河之民。哀鏡同駟馬之曲。長安傳

坐恩禮盛於西京。襄陽墮淚。悲慟喧於南峴。

裴使君墓誌銘

君五音之候。兼其方收。八陣之圖。窮其巧變。用能戰
必勝。攻必取。督稱無難。兵號解煩。朝飛火箭。夜聳雲
梯。燧象從奔。駘狼已合。於是厥顏不撓。極哈諸戎。龐
德高聲。肆言羣逆。胡夷總至。猶持子路之纓。鋒刃相
交。終荷溫生之節。每以輕財。纂籜。義重嵩衡。割宅字
貧友之孤。開門延故人之殯。篤好朋遊。居常滿席。每
至鮮雲。藹藹披王安之衣。明月團團。似班姬之扇。日

帶花以如笑風鳴條而若歌。傍列絲桐對楊文酒一
石之後逾能斷獄。五斗之量猶未解醒。嗟乎潘岳之
詩致哀周密莊公之誅用愍相遺。

徐孝穆集卷十終

第 35107 号

平成 3. 11. 22

聖和學
園短大
圖書館

928

乙

乙

